

卷十

書名 烏鼠山人小集十六卷後集二卷 嘉靖十八年刊本
 撰者 明 胡纘宗 撰
 卷 卷十
 內容分類 集- 別集- 明中葉
 索書號 集部- 別集- 7- 40
 編號 D7433900

[彩色首頁1](#)
[彩色首頁2](#)

[東洋文化研究所漢籍目錄 編號: D7433900](#)
[東洋文化研究所漢籍目錄所藏漢籍善本全文影像資料庫 索書號: 集部- 別集- 7- 40](#)
[漢籍善本全文影像資料庫文本烏鼠山人小集十六卷後集二卷 嘉靖十八年刊本](#)
 版權所有: [東京大學](#) [東洋文化研究所](#)
[使用上的注意事項](#)

烏鼠山人後集卷之一

諸子胡祕 諸生關畿校

古體四言 長短句附

我結

贈籍野馬翁以進也翁 肅府引禮舍人

我廬于籍之西嶓山連阜天水循谿秋空倚
 野杖藜澄波鯉躍修竹鸞棲我觴我友于籍

我社于籍之東西望義闕北眺軒宮卦爻穆

鳳山先生集卷之十
鳳山先生集卷之十
鳳山先生集卷之十
鳳山先生集卷之十
鳳山先生集卷之十
鳳山先生集卷之十
鳳山先生集卷之十
鳳山先生集卷之十
鳳山先生集卷之十
鳳山先生集卷之十

鳳山先生集卷之十

鳳山先生集卷之十

鄉進士益都宋延年撰

鄉進士歷下徐承祖

國子生東萊丘任編

安慶郡乘

引

夫郡與縣之置與廢者歷代也故繫之歷代觀其記
知其世矣志為郡縣也郡縣有疆域有職官有古今
人不系而表之其何以考焉地理志地理也在上為
分野在下為列國今之郡縣古列國也風俗其上也
戶口其產也建置志其城與池郡縣治與大小署制

也職官志官也有官斯有職矣有職斯有後矣兵衛
志兵也衛與郡並置者也學校志教也選舉志才賢
也地封者選舉之所從出也禮制志禮也而樂在其
中矣食貨志財也然有產焉溝洫志水也藝文志郡
縣經籍及其碑刻也祥異志異也刑法志法也其列
傳名宦鄉賢足以式隱逸孝友足以勸列女忠義足
以勵咸有關於治教此其傳所當先矣文學武胄亦
不可少也宦籍凡以郡守以至縣令下此而可錄者
亦傳焉仕籍衆矣內止於近侍外止於方面下此而
不可遺者亦傳焉存者未有傳於官則列之選舉云藩戚方
我備考也至於雜傳則其惡昭乎不可泯矣志也

今之志古之史也夫書史也紀言也春秋史也紀
年也經也其次左傳國語傳也漢司馬氏創為史
記而史變矣然後之作者自班氏而下皆不能外
此以為史而末世之必分門析類者果志邪抑史
邪予為是志非敢言學史聊以學志云爾

一本志

唐堯繼帝舉而興還為九州其東南為揚州其揚之

夏氏革命又為九州亦稱萬國商湯受命存者千國

亦為九州周武興邦尚為千國分天下為九畿亦曰

九州舒皆隸揚州又為舒皖桐蓼諸小國鄰於楚其
後列國春秋戰國興諸小國乃屬吳越滅吳乃屬越楚滅

越乃屬楚

舒出自偃姓皐 之後封於蓼春秋魯文十五年

為楚所滅其後更復為楚屬國亦名曰舒又曰郡

舒又曰舒蓼文曰舒庸又曰舒鳩一國而五名其後襄

二十五年又為楚所滅

秦制天下為四十郡舒置九江郡

漢興高祖革秦更置郡國改九江郡為淮南王國文

帝十六年分淮 立廬江衛山二郡舒為廬江郡武

帝置十三刺史部舒隸揚州刺史部東漢世祖中興

廬江郡如漢更置侯國如壽安省六安亦為十

三刺史部廬江隸揚州部亦如漢

後漢昭烈在蜀魏吳並起廬江郡前屬魏後屬吳魏

初省廬江六安吳後後分廬江立廬陵南郡魏割

合肥吳據皖城即同安郡並為重鎮

晉武帝更置十九州廬江郡隸揚州如漢惠帝分置

尋陽元帝渡江立豫州屬以廬江安帝於廬江南部

又置雷懸郡

六朝宋嗣晉晉熙廬江二郡如晉屬南豫州齊代宋

其二郡亦如宋晉熙屬豫州廬江屬南豫州梁代齊

其二郡亦如齊太清間屬豫州並屬豫州北齊改

陳代梁其二郡亦如梁

大建八年分江州晉熙高唐為晉川。袁廬江仍屬豫州

隋文帝開皇初廢郡以州治民置晉熙為熙州而移

廬江于廬為廬州煬帝大業間復改熙州為同安郡

唐興武德九年改郡為州以同安為東安州十五年

改為舒州貞觀元年併省州郡置十道舒州屬淮南

道天寶 載復為同安郡至德二載改盛唐郡乾元

年復同安郡

五代起強弱相并舒州初屬楊吳後屬南唐為南二

十一州之一

宋禪至道初分天下為十五路舒州屬淮南路熙寧

間析淮南為東西路舒屬西路政和五年賜德慶軍

新治

隋開皇初廢高塘樅陽郡並為縣改大雷為義鄉縣

太湖為晉熙縣十八年改高塘為宿松義鄉為望江

樅陽為同安復晉熙為太湖懷寧如陳並屬同安郡

省濶

唐武德初懷寧析置皖城安樂梅城皖陽宿松望江嚴

州望江置高州更智州太湖析置青城荆陽五年省

安樂七年省青城入荆陽省皖城梅城廢智州以望

江隸嚴州八年廢嚴州省荆陽入太湖至德二載更

同安為桐城並屬舒州

五代相繼縣隨郡並受割屬

宋懷寧桐城望江如唐紹興間省太湖入懷寧宿松

入望江尋皆復置並隸安慶府季世懷寧隨府移于宜城後桐城避元移

于樅陽復移于池之李陽望江移于香口鎮後元興亦復故治

元桐城治復故太湖宿松望江如宋至治間懷寧析置

灑山並屬安慶路

明興懷寧桐城太湖宿松望江如宋灑山如元並隸

安慶

右邑

表

郡縣表

郡縣立而封建廢守令設而諸侯微此三代之所以



降而為漢為唐為宋也然漢重郡縣守令因之而尊

唐次之宋又次之馴至我朝大都因宋之舊而近

又與國初異矣視郡縣之輕視守令日卑而勢日

下嗟乎古以牧民今以役民古以守官今以寓官古

以宣上今以奉上古以天下今以取下其不重而尊

也誰之尤也然苟欲撫循天下當今之勢舍郡縣其

奚以哉安慶列郡向來或在潯或在舒或在熙或分

或合自宋迄今乃在皖而縣亦或附或割代不同焉

夫皖也盤山踞水襟淮帶江為中原門戶而今又在

畿內豈非一都會哉郡再遷縣並列以予觀之豈非

其要衝矣

疆域表

於傳有之天子提封萬里諸侯千里百里千里於古
爲大國於今爲郡百里於古爲小國於今爲邑故今
之郡守以千里專城縣尹以百里應宿夫守千里治
浹以千里仰給者萬家尹百里治浹以百里仰給者
千家然守不得其守則澤不被一郡尹不得其尹則
庇不及一邑澤不被則千里不沾其德庇不及則百
里不蒙其治古者入其疆田野闢則慶田野弛則讓
今非不慶其慶也不以田野非不讓其讓也亦不以
田野是故千載之下無岐周亦不復有虞芮矣安慶
郡也其初爲九江最大其後爲廬江亦大今不及三
之一然予不患其不大患不勝其天爾孔子有云亦
也爲之小孰能爲之大

職官表

予嘗讀周禮而知周之設官分職取法於天地又嘗
讀唐典而知唐之設官分職取法於周官是故六卿
分掌乎邦政百工分理乎邦治刺史以其郡牧令尹
以其縣牧而上下浹內外敷者宜也

聖代設官分職遠宗于周高邁乎唐大都周官之法
度而天道之節令也內以總之外以承之上以宣之
下以協之而其治媲美乎三代者亦宜也夫守一也
令一也代異而名殊特殊而事異所同者地與民耳

則夫郡賴於守邑賴於尹者又豈有差哉至若酌古今以制時權得失以制事是又在於守與令焉

古今人表

今之號為豪傑之士者未嘗不曰古之人古之人夫
人一也古今亦一也夫人恒以不遠古人為言豈人
終不逮古人邪高視古人而不觀感而不尋向終亦
今人而已矣孟子有云豪傑之士雖無文王猶興夫
人豈終不逮古人邪皖中之宦於斯寓於斯產於斯
者衆矣出乎今等乎古者代有其人焉是故前有所
作後有所述大有所就小有所成要之不愧於郡邑
故就其所長而擬之則又不知其孰為古孰為今矣

志

地里志

皖也襟山帶水不殊於他郡而滌江上游屏蔽金陵
扼淮要會捍衛中都其諸異乎他郡也矣至於以湖
為濶以江為匯以嶽為鎮則又表表稱雄焉

疆域

皖也以淮為限以江為斷遠則
京師之藩屏近則留都之門戶

風俗

昔嘗登大龍攀瀟嶽走小孤泊樅陽略望司空
而知皖之山水明秀故其人物忠敢不媿於古有取

於今云然懷寧桐城望江文若勝於其質瀟山太湖
宿松質若勝於其文或曰懷寧瘡乎桐城史乎望江
略乎瀟山野乎太湖矯乎宿松放乎予曰非也懷寧
易桐城達望江慙瀟山毅太湖諍宿松直大抵江北
風氣近厚故其習尚多類中州之真云

建置志

古封建今不封建古分茅胙土而有采邑今不分茅
胙土而無采邑古小國奉太國大國奉王畿今縣奉
郡郡奉京師古大夫奉諸侯諸侯奉
天子今士奉大夫大夫奉

天子堂蓋高地益下上下下

職官志

建國者必設官分職而后體國國無其人孰與興
理孰為政在人其人存則其政舉是故舜有五人特
周有十人焉郡邑雖非樞要其職親民漢重守今漢
為述古若夫曠官穰職則有其官無其人不可以言
經國矣

兵衛志

古文武之名未立而天下治平後世文武之名出而
治始不古若兵府兵之法莫善於唐及論其世則唐
非三代比也嗟夫設羽林以衛
國設鐵騎以衛邊豈得已邪安慶當江淮之衝東可

以衛淮南可以衛江淮非舒無以守江非舒無以防
與衛之務尤切於他郡故指揮之建守備之增司馬
氏恒惓惓焉然尚其世倘取則於舞干因壘未必非
尚父法也

學校志

夫學校所以養賢有國者之先務也是故國有學
有學邑有學學有師日有膳月有廩歲有貢有舉
先務也養於其中而不奮發興起者鮮矣然養之以
學校外也養之以禮義內也外者末也內者本也
養賢之責者其知所先後哉

選舉志

古選舉以里以鄉今選舉以庠以學古選舉以行以
人今選舉以文以地是故聞譽士而行檢略文藝
而器識隱故舉世不聞有孝廉累代不聞有賢良
章之學日熾而心學日微性命之學日湮而俗學日
著嗟乎是豈舉之道哉然自唐宋以來顯顯重科目
科目今之選舉也選舉者既不以古選舉而必以今
選舉則士之稱爲道德如程朱者亦必自科目入矣
夫

國家求賢求得其人焉耳科目而得程朱焉是非舉
之道邪皖文獻地也選舉者代有其人而士之力行
非文翁非杜夷不學是故詩禮源源冠裳濟濟亡媿

於選舉焉

禮制志

嗟乎禮樂之不能興也尚矣進退不覩揖讓安求其序動止不聞鏗鏘安求其和夫人何可一日無禮樂也人而無禮樂與無四體等耳顧可以言人哉不可以言人矧可以言德不可以言德矧可以言政國家之禮樂布在郡縣者可攷合于古不合于古亦惟其人焉耳意周公我師也君子豈欺我哉

食貨志

財足民則有是財財一也不在官則在民傳有之財則民散財散則民聚不然聚專于歛散豈一于資

不足則費費則聚儉則積積則散故民足國亦足民不足國亦不足是國不難下漁則國足矣足民不難不蝕則民足矣安慶之財與民足耶吾不得而知也不足邪吾亦不得而知也

溝洫志

水大矣民非水不生活故不徒曰水而必曰利重水也於內有水部於外有水道水於民豈細故哉東南之民賴水以耕而水尤急安慶之水雖不及江南然差勝於江北故吳塘烏陂遠創自漢而玉渠金壩近創自明於乎禹也聖也猶盡力於溝洫而況其下者哉然治水不難治水而能以禹為宗則不壅不逆水

三不治矣

藝文志

夫天之雲地之水文也龍之圖龜之書文也宓戲之
卦文王周公孔子之辭文也非今世之所謂文也蓋
子曰王者之迹息而詩亡予亦曰卜筮專而易晦孔
壁毀而書晦黃鍾之音微而樂晦叔孫之儀作而禮
晦公穀之傳雜出而春秋晦文其在茲乎其不在茲
乎嗟乎漢不如秦唐不如漢五代不如唐而文墜矣
若董仲舒若韓愈若歐陽修其知文乎舉世皆以為
文今考之文矣非古之所謂文也及讀濂溪之圖
道之集伊川之傳之說橫渠之銘考亭之註之語則

又知文在茲矣皖有文翁杜康可與言文者也至于
潛之諸何又皆翩翩可觀雖未敢望羲孔其亦有心
於韓歐者邪

祥異志

休咎與二要非人之所能為也其天平傳有之和則
致祥乖則致戾順者昌逆者亡則休咎外與興亡
亡豈可盡歸之天邪其人哉其人哉

刑法志

夫刑法豈 國家得已而不可已者邪飢寒並至窮斯
濫溢豪傑擅私為之囊橐而刑蕃矣書曰伯夷降典
懲民惟刑以禮制刑也禮教不立刑法不明是故死

刑過制生刑易犯而刑不能省悲夫傳曰古之聽獄
求所以生之今之聽獄求所以殺之此以刻爲詳以
察爲明者也然制刑所以禁暴惡也殺人者不死傷
人者不刑是惠暴而寬惡矣故曰不肉刑則天下不
治治則刑重亂則刑輕故不患刑罰之不除而患刑
罰之不中不患象刑之不明而患肉刑之無制古之
人慎刑卹刑其有以執郡邑親民世降民漓刑不能
除且加蕃焉吁抑末矣

列傳守令論

皖伯

於乎得爲三代之臣而任其政以臨其民其去堯舜

之世不遠也太公之伯於齊周公之長於魯
越哉下此而太守專城刺史分符以賢良稱者代不
多見唐不如魏魏不如漢况三代邪皖伯身際治世
而有治蹟儋爵於朝侈封於國豈愧於齊魯邪

張何冊

於乎以雄之賢且不能逆莽何冊獨以言忤莽不賢
於雄乎宜乎爲令生而民愛之死而民哀之至于今
不沒也

陶侃

能亦難名矣尚書曰推賢讓能孟子曰尊賢使能夫
是之謂能也侃之能果若是否耶然運甕自勵侃侃

以中原自任亦異于今之所謂能矣

張知謩舒州刺史

為吏以清介為公卿所爭重不亦耿耿矣哉傳又言知謩敏且亮惡請謁求進士或不才冒位視之若仇每較子孫經不明不得舉家法可稱以予觀之才也養不才豈止於其家哉

張鎮周舒州都督

鎮周其有意於治舒者也舒有親戚故舊也無事於鎮周有罪不敢蔽吾何庸心哉吾因時以義制然以若鎮周亦愈於煦煦私昵者矣

孤及

夫賑惠也安佚也惠則民懷佚則民安義則吏而若此賢矣立身行道不揚者

麴信陵望江令

欲知麴大夫之賢效之秦中吟章章矣將去而留既卒而留堊大夫之澤不既源源矣哉

張萬福舒州刺史

予觀萬福之才氣若不可易得者故所至有可觀者焉然即其賀直臣于朝則不撓不隨豈與騎射者邪

盧同望江令

政以美稱必有大過人者矣夫政得無惡足矣而曰有美政焉不亦可尚哉惜志不及詳耳

胡珣舒州刺史

吾觀珣之自立其昭昭矣哉麥數穗間里歌舞之其
惠也忤權勢朝廷遷之嘉之其節也珣之治行若此
此可知其學矣宜其占上第致藝學為時豪雋也

游酢知舒州

楊龜山曰伊川謂子曰游君德器粹然問學日進政
事亦絕人遠甚又曰不為世儒之習誠於中形於外
儀容辭令粲然有文望之知其為成德君子也又曰
其惠政在民戴之如父母故去則見思愈久而不忘
於乎苟有志於求程子游氏非門庭邪

李師中舒州

師中惠矣信可及也易不可及也怨可及也
及也庶幾乎仁厚哉今之以才辨自長短赫自
視師中不有間邪

蕭服望江

教化者三代之治也服也其能以此為本邪然考其
治化其諸異乎人矣

黃榦

文肅公誠生民者也誠民父也微公舒其塗炭矣而
築城之周當禱雨之懇至盖不徒志堅思苦為時遠
器而已也予不能學朱子若黃氏庶不媿於朱子矣

程居仁

趙與權

程宗傑望江戴昌

程趙程戴可以稱令尹矣程有惠也趙有政也程有禮也戴有功也可以稱令尹矣是故稱程程者不間於今古稱趙戴者不殊於遠近云

國朝

趙好德 錢性 邵彧 周濟 張豫

鍾蕃 張冕 郭絰 鐵處義 胡儼

嚴順 賀懋 馮善 蕭翼 陳希文

周邦熙 劉鳳翔 許英 韓明 陳勉

袁慶祥 王璟 郭倫 陳恪 張奇

姚岳 羅用俊 張夔

守稱其守令稱其令亦難矣蓋非循良不足以稱守

令守令而稱循良世豈多得哉院中守令

朝雖不敢望古賢誓視他郡蓋差勝云

采亦嘗聞之郡邑父老謂其守莫如冕莫如維莫如

濟謂其教莫如用俊謂其令於桐莫如儼莫如熙於

瀟莫如處義莫如慶祥於太湖莫如懋於宿松莫如

岳於乎盛哉其次着好德者或着蕃者性亦不媿於

其守者叔豫亦不媿於其判着翼若英若明若環若

恪若奇若鳳翔若倫若勉亦不媿於其令若善若邦

熙若夔亦不媿於其教要皆有可取焉當其時蒙其

澤繼其後挹其風夷而攷之不於郡邑有補邪

又曰名宦不盡傳傳其往故者故瀟山尹殊懷寧

純宿松尹節桐城諭端之類各止疏其治蹟以俟後之君子非遺也於鄉賢亦然

又曰夫前乎我者有善焉固不能詳也 國初迄今百有餘年矣故志匪直不可信且不可考是以有美莫揚焉有不美莫察焉及詢之父老或知者非所美焉或美者非所知焉續宗留心於此三年餘矣其所紀載不敢謂其不嚴且實然安知其無誤與漏邪姑列其所知以求其所不知雖獲罪於君子奚辭焉

王璠

陳雲鶚

楊茂元

宗信

守也而如雲鶚之桀度璠之器識茂元之文辭宗信

可少也人謂安慶之守多賢諒哉其下若信之不負於丞若秦之不負於簿亦耿耿焉其何能捨邪

列傳人物

論

文翁

朱邑

漢自高祖至平帝十二世矣而二千石以循良稱者才六人舒得二人焉於乎盛哉按班氏漢興反秦之激與民休息至于文景遂移風易俗是時循吏如河南守吳公蜀郡守文翁皆謹身帥先居以廉平不至於嚴而民從化是故漢世良吏於是為盛蓋漢重二千石是以多良守今視守如下吏安望其能良哉

周興

與也何其有文行若是煥然邪名譽旁流雅才衆惜
吾觀州里朝野之間章章乎不可及矣

杜夷

傳曰鳳皇翔于千仞其夷之謂乎安貧其廉也樂道
其貞也潔已其介也世以儒學稱其稱情哉翩翩風
節當與翁邑並傳矣

何琦

孝大矣嗟乎琦之仕也不任其身在其親故朝夕色
養孜孜甘鮮而其行異乎人矣親既卒其志既畢高
潔之操又何能少下邪

何叔度

叔度行業聲聞有可稱述者矣觀其議知其仁也觀
其問知其明也太保許其清身潔已其有所試哉

何子平

不有其爵祿而有其親其敦本之士哉宜乎持守以
敬以默以廉以介以絕乎其俗也孟子有云仕不爲
貧而有時乎爲貧其此之謂矣

何佟之

嗟乎禮之不闡不行也遠矣佟之孜孜於禮以之終
始其知所履乎夫禮有本有文不知當時所講行者
其本乎抑文乎不仕東昏善矣仕梁武抑又何也稱
爲醇儒而國家禮皆取決焉要之有文物者也

何昌寓

昌寓果清白士邪何素有名德也吾不論宋齊之間論其拒裴叔業亦侃侃矣

何求

嗟乎世之人不獨皆仕也有求得者患失者於是無隱放者矣求與點與胤何繫身高蹈不為世屈邪豈果于內重而見外之輕邪世以何氏三高稱諒哉潛名嶽也何氏生於其鄉侁侁彬彬先生以文行名世孰謂山川不秀發哉

吳卓 張漢卿 王日休 潘琛 傅高

王幼學 陳道夫 賈良

宋元之際訂當大江之濱豈無其人如文朱者邪世遠言湮蓋逸之美然傅張王陳諸子其忠與介不亦表表矣哉

國朝人物

方佑 劉燾 甘霖 江弘濟 劉鈺

丁榮 凌昌 吳昇 沈善 劉燾

危山 方尚 王瑞 鄧義 李璣

余順 鄧恂 方印 段極 王道

周璽

吾觀皖中諸君子若佑豈愧古人哉廉貞之風磊磊如也若燾之思霖之節弘濟之廉鈺榮之厚亦何可

及也若昌之斷昇之直善之辯瑛山之聞何之毅瑞
之謹義之恬雖順之介恂印之惠恢之實道璽之任
又耿耿焉於安慶不有光邪夫瀟山矗矗瀟水洋洋
宜乎其人之濟濟也惟諸君子續宗聞之柯子忠錢
子如京余子珊蕭子世賢季子楫齊子之鸞者詳矣
夫六子者皖中之望也執其言可以信天下詔後世
予何敢罔哉予何敢蔽哉

又曰前代諸君子豈但數人而止哉史闕文文不
足徵耳 國朝諸君子續宗生也晚既不及面識
又不能面訂姑以聞之皖中人士者次而載之以
俟有道君子攷焉其賢與哲又何敢軒輊邪

義士陳國瑞

張某

陳可及也張不可及也陳易而張難也世之人動以
利相馳若張與陳非所謂喻於於義者邪百世之下
爲之感發

列女

王氏 陳氏 王氏 姚氏 顧氏 胡氏

正氣在天地猶日星焉昭耀者亘古今也人負正氣
以生於男子爲烈夫於女子爲烈婦浩然之發充塞
天地在男子已不可得况女子邪皖多名山大川宜
乎其人之多烈也王陳王姚尚矣顧胡而下要亦有
可觀焉

余張二夫人

余張二夫人皆非皖人而其死國死家之事乃俱在皖地有裨於皖是不當與皖中諸烈婦並傳邪然尚其節可以風天下起後世蓋不獨感發皖人爾矣

隱逸何準 何點 何胤 何裔

嗟乎何氏諸子吾不論其細論其大賢於世之齷齪榮貴汲汲功利者多矣若夫二王志專著述近潤諸身遠淑諸人夫豈不足以破愚起懦邪

黃弘 章綱

弘綱以能詩以不仕咸為縉紳許與雖不敢望古逸民其亦有心於讀書尚友者歟

李琦 何琦 何炯 李仲源

大矣哉琦也炯也仲源也然琦可及也炯源不可及也琦以孝始炯源以孝終其始也仁之發也其終也仁之盡也發于仁則行立盡乎仁則行成比而觀之皖不有三仁邪若夫鏞郁論其心不論其迹庶幾不愧于炯源耳

楊貴 吳濬 胡洪 李悅 趙惠

讀故志之所紀載難乎其為貴清洪悅惠矣然詢之父老故舊皆不能詳故志豈失其實邪要之亦或可稱焉耳

王祥 王覽

王元公天下之孝也王貞公名亞而孝並焉者也避地江干才三十年耳而大孝之迹之在望江昭昭焉烈烈焉與天地相為悠久望二公之廬有不興起觀法者邪

孟宗

宗也雖不敢與王徐並然其孝一也故望江人亡問小大遠近亡不以三孝並稱者於乎孝大矣宗也而非孝也何可與王徐並傳也

忠義孫知微

難乎其為知微也必欲折盜之氣充乎其體不知有其身矣肯以一執屈邪千載之下為之依依

張德興

於戲慷慨殺身易從容就義難倚也其從容就義者邪當其時守降矣城與其人降矣倚也見苟不聞不死可也乃獨不為不義生至剛至大之氣不亦充塞天地也哉

傅高

張德興 傅高 慷慷哉張傅恢復之志撥反之氣直與日月爭高觀其用正朔連大姓殺鄭鼎其忠皆出於忠懇宜乎視死如歸于宋有光也

余闕 韓建 李宗奇 陳道夫

元夷狄也不知當其時能以忠義漸被天下否也及

其終也乃有若安慶余公及諸部寮及諸眷屬及諸
士卒罔不盡忠竭義為其國死君臣父子夫婦之間
炳炳朗朗照耀百世豈非斯理之在人者剛大充塞
自不可屈撓邪

宦籍

盧植

王安禮

黃庭堅

李綱

沈煥

譚啓宗

張籍

歷觀古今之宦於皖者多名賢漢如子幹唐如文昌
宋如伯紀如和甫如魯直叔晦國朝如敬先豈不
世取重哉或事業建於其朝或文學鳴於其時其
皖特一節耳故特舉其大要分系於世俾後

焉若夫貪懦放刻有媿於往哲自昔興遁於皖人之紀
誦雖欲與隱惡得而隱諸

仕籍

國初諸君子咸應徵而出然撥亂反正之餘非有卓
越之才鮮有能勝其任者觀諸吳方伯可見矣惜譜
牒不足不能詳其實爾

又

夫人有言地靈人傑故土腴者登山厚者藏皖介乎
吳楚之間有高山大川故其出為縉紳大夫士者

自黃門則起自侍御冠蓋楚楚甲第脩脩焉夫文獻不足其禮

莫徵皖足稱文獻矣其前言往行豈不可取證邪

文學何禎 何之元 曹松 潘閔 王琪

王珪 李公麟 李元中 李亮工 馮奇

游夏得為孔門高弟者文學也漢有董仲舒而廣川著唐有韓愈而昌黎著文學豈細行哉何曹炯炯二王燁燁三李翩翩閎奇秩秩舒將不顯邪

李白 畢誠 舒雅 徐俯 楊萬里

三代而下號為文學者雖不敢望孔門然亦非今世之所能及謫仙天才也存之通經子正嗜學師川俊才誠齋端士使履鄒魯之鄉而聞顏孟之學未必不可與游夏擊也

徐鉉

鉉與弟錯並有文名時謂之二徐世稱鉉金石之文

尤簡李穆使江南見其兄弟文章嘆曰二陸不能及

也然鉉仕唐而復仕宋奚以文為哉諸君子雖非然寓饒

於此

武胄 周瑜 陳武 周本 周鄴 江澄

石良 陳漢 畢銀 郭璽

周陳克稱將矣周也恢廓陳也仁厚然皆有功於吳吳不得稱正統周陳奚取焉本勇矣鄴惠矣節忠矣然皆不得如澄如良如漢如銀如璽之得附我

高皇也故其才略不敢望周陳亦未必如本鄴然附之者正君子乃有取焉若瑄旺而下其功不能詳豈

皆克脩其職者歟

藩戚

帝后妃無與於郡世祖寧宗皆自皖入纂大統章后
鬱妃皆生於皖在帝為潛邸在詹妃為梓里於郡不
預有榮顯哉若賢與否則於郡固無與矣

方技

傳有之脫疑諒非難偷生詎能安言他道易致也今
之世釋非其釋老非其老就而論之恐亦得罪於明
曇而世之人方喜聞而樂奉之吁亦惑矣然不羈不
累飄然高舉亦愈於吾人之患得患失者矣

劉勳

郭弘明

范文虎

於魏已不得終日不終於宋宋中原

元何人哉若弘霸之刻蓋天刻之也媚人毒人

後序 後序 後序 後序 後序 後序 後序 後序 後序 後序

後序

予西方人也生隴西山中路僻不當要道故不多接
當代賢士大夫亡多經史子籍不甚知隆師親友故
聞見不廣不大猶夫山中人耳髫年隨家君 誥封
郎中博翁游成都未弱冠自成都歸來望望亡所問
途及冠得游長安及領薦得卒業京師及舉進士得
讀書

秘閣而資稟庸下兀兀窮年猶夫山中人耳是歲例

授翰林檢討與修

敬皇帝實錄庚午出判嘉定癸酉晉知潼川乙亥召
入為南京度支員外戊寅晉郎中尋改南京司封郎
中己卯晉知安慶又明年與安慶諸賢七大夫諸僚
佐訂議安慶古今人物得失作安慶志然寔支蔓不
文不能詳詳而畧畧才備攷耳記二卷表二卷志六
卷列傳七卷

正德辛巳冬十有一月二日

秦安邑集

本志

秦故秦州北境也故亦曰秦雖近創自金而統於雍

州涼州隸於天水郡略陽郡著名隴西者遠矣故自

庖犧氏開闢已為成紀地陽元川何氏地掘得一石刻上有成紀字今存乃

後或迫於西戎或復於中國初保於夏中滿繼救於

周非子至秦襄公而國與地益天西戎益遠矣乃後

數為僭竊者所據遂為用武地乃後金益強數侵我

秦州北鄙宋遂棄之故南為軍屬宋此為此若屬金而

秦分矣秦分而軍為州若為縣以至於今也今縣南

得成紀什之二東得隴城什之七北得雞川什之一

亦成地曠而瘠民朴而貧 國朝稱下縣云

建置志

三代而上以封建而治三代而下以不封建而治不

古若然郡縣而得若守令焉斯治矣故治不三代若者又不專在於郡縣也秦安秦地也置縣雖不甚遠然介於秦隴汧渭之間亦名地云

地理志

秦近隴外隴外近西戎固用武地也然隴山巖巖渭水湜湜關關既遠教化亦浹駸駸乎西周矣况羲媧之流風猶有存者而代不乏英豪高山大川豈亞於隴東邪 聖朝疆理萬國幅員曠蕩西戎且出沙漠矣

職官志

夫官所以爲民也官制治於上民受治於下雖貴賤有差尊卑有別然官子視民民父母視官其實一也

故守令必稱牧牧之言養也受牧之責者舍愛奚養哉故古今守令重循吏循良也斯牧之體而愛之用也其有牧而不愛者亦奚以父母爲哉

禮制志

夫一郡有一郡之禮一邑有一邑之禮然皆出於大宗伯宗伯掌邦禮用之

朝廷而達之天下也于以治神人于以和上下故守行其禮則不失其爲守令行其禮則不失其爲令而天下治矣固未有舍是禮而能治國者抑豈有舍是禮而能治郡治邑者哉故曰先王之道斯爲美

學校志

學校風化所由出也人物所由作也縣以治學以教
教立而人才出風俗美縣斯治矣故文翁治蜀不言
政而言教蜀頌文翁不言治而言化人有言學校為
政之先務諒哉

人物志

秦得成紀略陽顯親地則成紀略陽顯親人物秦得
得傳矣然成紀今為秦州凡成紀人物皆屬之州縣
莫得而識別也典籍無徵故老無聞亦莫得而考訂
也故不載成紀者載略陽顯親者然彬彬桓桓亦足
照耀簡編於千百載矣

田賦志

田之瘠賦之重未有若吾邑者夫孰不耕也夫孰不
足食也孰不織也未見皆足衣也然在上不厚徵在
下不厚責民斯可言生官斯可言治否則民無所措
手足矣語云節用而愛人吾有望於今之君子

藝文志

邑之典籍有 御頒者有 御製者有 御賜者有
詞人所賦者有文人所撰者而又有木石所刻者要
之皆文也稽之於古載之於今文獻所由徵也於斯
而弗備焉百世而下其將何以考索也邪

列傳

人物

漢郭整 晉郭荷

夫人不為舜禹即為夷齊故聞舜禹而興者必貞士
聞夷齊而興者必廉夫若二郭其聞夷齊之風而興
起者邪若豈八辟五徵安車束帛之所能迫致哉千
載而下孰不仰其高風

秦諸苻

苻氏雖稱氏酋然實有扈氏之苗裔天水自商周西
戎已造却况為成紀地而苻乃以霸業不終遂興五
胡並稱使堅能納融益等言為晉藩服雖南北並峙
可也而見不及此惜哉且苻取中原於群兇非攘之
晉者而洪泰晉詔健稱晉爵堅欲厚待晉又有可稱

苻堅之敗也人以其驕予以其無本其興也人以其
明斷予以其能任賢是故苻融苻姿樓不亞於王猛
權翼梁平老殆過於薛讚考之載記一則曰王佐二

則曰王佐然則融翼樓平不負堅堅負融翼樓平耳

惜哉於戲有雄而後有堅有堅而後有朗朗有江左
風度雄志在匡君苻亦多才矣哉

日光

按史氏世明委質偽朝位居上將最爾夷陬承風雲
卷宏圖壯節有足稱者然潛窺晉鼎遂假鴻名自謂

霸業克昌尋而耄及政昏親離衆叛亦何以取焉

周權景宣

景宣惠及要郡威行南服何其侃侃也而卒以驕敗
又何其缺缺也要之武人俠氣不學無術焉耳亦何
異哉

唐權文詵

權臯

權德輿

權曠

唐雖多賢然表以卓行者才三四人謚以文者才二
三人貞孝之行無忝三代載之之文不規昌黎而文
公相業又復卓卓吾於權先生父子竊仰止焉略陽
隴西陝邑也而權先生祖孫父子繩繩僉僉先後相
聖焉隴山磅礴隴水溶洩千載而下不益榮耀也哉

國朝

什邡先生

李嵐

王綸

弘治初以舉子業教誨諸弟子為鄉弟子所尊禮者
若什邡公邦益遂寧尹九雲湯陰尹大經或以詩或
以書皆口授諸弟子諸弟子咸勃然向學彬彬僉僉
鳴於隴西於時鄉人翕然稱善教焉乃後三先生皆
得出宰大邑有所建立不負所學而諸弟子多取科
第後先顯赫人莫不歸三先生焉

成文林

丁繼文等

正德之初吾鄉舉業之學所可稱者有若舉人成文
林丁繼文有若貢士桑爾有若學生包進爵劉嵩皆

少年多學學舉業皆擅於時爲時輩所推與其志殆
下上乎古人視取功名如指掌而或未舉進士或未
領鄉薦使皆賚志以早卒有可悼者然鄉評籍籍無
間於久近亦何可泯焉

王恕等

國朝百五十六年吾邑賢俊先後接踵未有嗣郭權
四先生芳躅者語云才難不其然乎然吾聞之鄉先
生若王侍御之憲節聿修南皮府君之惠愛不遺以
至侯吏部之不畏強禦下文學之好學不倦亦足以
稱焉至若先大夫又豈繼宗之所敢及也敢告諸衆
風者

晉列女 張氏 楊氏

秦涼皆僭國而列女所爲乃皆大丈夫所不及其教
義烈豈僭國所能蔽哉傳曰所重有甚於生者列女
以之

國朝

孝節

孝節大矣孝以厲爲人子者節以厲爲人婦者於此
而不重焉其何以正風俗培治化哉予判嘉定嘗立
孝節祠守安慶嘗立列女祠人不以爲迂今其祠耿
耿人有感動之者於乎孝節所係豈細故哉

職官

政不出於王伯而已矣教不本於聖藝而已矣故修
政以武城爲學道立教以安定爲稽古諸君子之政
教要之皆達於是特所造有淺深耳然王要道也聖
至德也諸君子有志於周孔其惟深造極致也哉

人才

人皆曰舉于鄉才也然貢于鄉非才乎是惡可以重
輕論乎要之居家而行修居官而政立才也否則不
可以言才矣諸君子於居家居官有可稱者續宗生
述統故於諸君子有不能盡知焉者姑俟旁考而續

卷云





